

PAUL TUYUUTINICH TITUS-MUN

Iitichuqutit

Titus Jew-guñtichuaq isumalitqiksuaq ukpiqtuaguqłuni ikayuqtigunaruq Paul-mun uqalugiksuamik siamitchiñiani. Paul-gum taamna tuyuutaa Titus-mun Crete-mi qaanaksrimman añaayyuvimik, uqausigivlugi piņasut isumaaluutini.

Sivulligivlugu Titus itqautigaa añaayyuvium aullarrinisa irrusiksrañannik sigğağnaqtuani iñuuniaqtuni Crete-miutun. Tugliani uqautigaa qanuq ilisaurriñaqtilaaja allagiiksuanik iñuñiñik añaayyuvium, utuqqanaanik ilisaurriñaqtuanik, nutaqqanik, nukatpianik, suli kivganik. Aasii aqulligivlugu uqautigaa ukpiğniaqtuam irrusiksrañanik, piłłaktautaiññigimik, avilaitqatauniğimik, uumikkutaiññigimik, atinjirrutaiññigimik, suli avigaanjañiñijagun añaayyuvium.

Avgutit

Sivulliqsaağun	1.1-4
Añaayyuvium aullarrinich.....	1.5-16
Savaaksrautinich ilauruat.....	2.1-15
Silğiqsuutit.....	3.1-11
Ağtusaun	3.12-15

1 ¹Ukua tuyuutit qairut uvamniñ Paul-miñ, God-im kivgananiñ, suli Jesus Christ tiliraunikun ilitchitquraniñ. God-im piksraqtaaginagaaja aasii tilivluja ikayuquvulgich ilaan iñuksraqtaani, ukpiliquvulgich ilisautilugich ilumun ittuanik uqaluñmiñik iñuupkaillaranik godiliqinikun ²iñuuyumaliquvulgich isuitchuamun. God-im suoramikunnii saglulaitchuam unniqsuqłiñagaatigut taavrumiña iñuggunmik nunaunnii isagutinaiñjaan, ³aasii piviksraq nalautinman taamna salapqinagaa tusaayugaagiksuaatigun uqaluñmigun. Tamatkua tusaayugaagiksuaat qaisaunaruq uvamnun aasii God-im annaurripta pitqutaatun uvamnun algaqsruutigigitka. ⁴Ukua tuyuutaurut Titus-mun, iğñipiagataptun ittuanun qanuq atunim ittuanik ukpiğutiqaqłunuk. God-ttuq Aapa, Christ Jesus-lu Annaurrikput, naglikkutiqaqğli ilinun, tutqutiqaqtillutillu.^a

Titus-gum Savaaja Crete-mi

⁵Qimanagikpiñ Crete-mun, iñuqsruquvulgich sut iñuqsrugaksrauraut taamani, suli nalunaiqsitquvulusi umialinjanik nunaaqqipayaani. Itqamalugich ilisaurrutitka. ⁶Umialinaja pasiñagumiñaitchuksrauruq, atautchimik nuliaqagłuni, miqłiqtuqağłuni ukpiqtuaguruaniq, uqautikkusiaqanjichuanik pialasuunilugich kamasulaiññilugillu.^b ⁷Qanuq umialinaja qaanaksrauruq God-mun savaanik, pasiñaqtuksraunitchuq. Isumamisun piruksraunitchuq naaggaunnii piavsayaruk-sraunitchuq naagga taanjaqtauluni naagga anayaitchuaguluni naagga piłłaturuaguluni. ⁸Aglaan umialinaja tukkuuruksrauruq, nakuurualiqillatunilū ajalalluataqtuksrauruq inmiñik, nalaunjaruaguluni piłłutaiłłuni qaañiulaanjañiluni. ⁹Umialinam ukpiğipiagaksrağigai nayummatauluniłū God-im ilumun

^a 1.4 2 Co 8.23; Ga 2.3; 2 Ti 4.10. ^b 1.6-9 1 Ti 3.2-7.

ittuat uqalunji ilisausiagiņarani, ilisaurriyumiņağugluni allaniktauq iņņnik suli ilisautilugich killukuaqtilaņannik tamatkua akililijisuisaaruat inmiņik.

¹⁰Qanuq iņugiaktut kamasuutaitchuat iņuich sagluqinniktuallu taņigilaniq uqaqlutin, tamatkuaļhaaq ilisaurriuat nalunaiņņutchiqsuksrauvlugu iņuk annaurrauniaqpan. ¹¹Tainna uqaņaiqsitaksraurut, qanuq maqutchirut tamatkiqļugich qitungağiņnik ilisaurrivlutin ilisaurrutiksrağiņisamiņnik kanņunaqtuakun sivuniğivlugu maniņņaņniagnaņiq. ¹²Iļaņat ilinisa Cretan-miut nalautchaqtaat uqallaņaruq, “Cretans ataramik saglusuurut, niğruļuktun ittut, iqiasuuvlutin niğğiqsunialgiņmiut.” ¹³Taamna iļaņata uqallautaa ilumun ittuq. Taamna pisigilugu suapiagatakkich, nalaunņasiyumaup ukpiğunmiņni, ¹⁴ukpiğiņaiğļugich Jew-guruat taņigilāt unipkaņich, kamagiņaiğļugilļu iņugruiņņaich pitquraliaņich ayyairuat ilumun ittuamik. ¹⁵Niqipayaurat pirağautchilļu salumarut, akuqtuğnağumiņaqtullu ukpiqtuaguruanun isummasiqagtuanun nalaunņaruamik God-itun, aglaalli sumik salumaruagitchuq tamatkunūņa piļusiqirauruanun ukpiņaitchuanullu, qanuq isumaqagvņich isumaņilļu salumaitchut piļuktuaguvlutin. ¹⁶Iļisimanigaluğaāt God, aglaan iņūunaiğusimiņni naluruatun itkaat, nağgunapiagataqtut kamasulaitchullu, nalliummatinitchut qanusipayaamun nakuuruamun.

Nalaunņaruat Iļisaurrutit

2 ¹Aglaalli ilivich, ilisaurriņ nalaunņaruamik ilisaurrunmik. ²Iļisautikkich utuqqanaağtuat aņutit qaņiulaaņasitquņilļugich, kinnaksaqtuagutquņilļugich, inmiņnik aņalalluataqulugich, nalaunņaruamik ukpiğutiqağlutin, pivituttaqutiqağlutiglu, suli nikatchaņilļutin. ³Tainnatun suli utuqqanaağtuat aņnat ilisautikkich iņūusiqaqulugich piļuutaitchuanik, tigliraqtiņaiğlutin imiņasirağaņaiğlutiglu. Iļisaurrutigiraksrağiņich sut nakuuruat, ⁴ayuğaksautigilugich niviasqianun pivituttağitqulugich uinich miqļiqtuņilļu, ⁵inmiņnik aņalalluataqulugich, piļuutaitchuakun iņūutqulugilļu, aimaagvņimik qaunaksriļlūatağlutin, suli kamagilugich uisin, God-im uqalua iņuich suuņilqasruņitchumagaat. ⁶Tainnatuttauq kiaqsrukkih nukatpiat inmiņnik aņalalluataqulugich. ⁷Iliviliasii qanusipayaatigun savaağiksuaatigun tuvraaksriuruksrauratin. Iļisaurriguvich pimmağiksaapiaglutin. ⁸Uqaluqağlutin nağğuksruğnağumiņaitchuamik, akililijisusqtitin kanņutchaktitauyumaut, sumik pigiitchuamik uqaksraiļlutin uvaptigun.

⁹Iļisautikkich kivgat kamagitqulugich ataniņich suli iviğagniaqulugich supayaatigun. Kiummatiqatquksraunitchut ataniğmiņun, ¹⁰naaggaunni tigligagviniğaiğļugich. Aglaan ilisimanaqtuksraurut ataramik nakuutilaamiņnik ukpiğnaqtilaamiņniğlu, uqautigilluatağumagaich ilisaurrutit God-ikun Annaurriptigun iluqaisigun piramikkun. ¹¹Qanuq God-im annaurrisaa nagliktuutiqpaņmigun ilisimanaqsinaaruq iņupayaanun. ¹²Aasii taavrumuuna nagliktuutiqpaņmigun ilaan ilisautigaatigut iņūusiqaņaiquvluta god-aļlāğluta kipigņiuğutigiņaiğļugilļu pigiitchuat, aglaan iņūutquvluta aņalalluatağluta uvaptiņnun, nalaunņaruakullu god-iliqiruaguluta mattumani iņūutchimi, ¹³utaqqiņņapta niğiugivlugu quvianaqtuaq uvluq tikitchumaaqtuaq tautugviksrautikput qaumāņanik kamaņaqtuam God-ipta Annaurriptalu Jesus Christ. ^c ¹⁴Tuquvluni aitchuutigiņaruq inmiņnik uvaptiņnun atanniqsimaņaiqsit-chaqłuta iluqaanun pigiitchuamun, ilaaguaqsaqłuta ilaan iņūgisukłuta, kipigņiuqtuagaup nakuuruaiqisukłuta. ^d ¹⁵Iļisautigikkich tamatkua, atuğlugu

^c 2.13 2 P 1.1.

^d 2.14 a Mt 20.28; Mk 10.45; Ga 1.4; 1 Ti 2.6. b Ps 130.8; Mt 20.28. c Ex 19.5; Dt 4.20; 7.6; 14.2; 1 P 2.9.

